

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)1

**SOALAN LISAN OLEH AHLI KAWASAN BUKIT TAMBUN
YB. GOH CHOON AIK**

1. Senaraikan kemudahan di bawah pengurusan Perbadanan Stadium Dan Kawasan Lapang serta huraikan kos penyelenggaraan bulanan setiap kemudahan.
 - (a) Senaraikan penyewa Stadium Batu Kawan sejak 1 Februari 2022 dan nyatakan jumlah kutipan sewaan.
 - (b) Apakah perancangan temasya sukan yang bakal dianjurkan di Stadium?
 - (c) Apakah perancangan pembangunan baki tanah sekitar Stadium?

**YB. SOON LIP CHEE
MENJAWAB BAGI PIHAK Y.A.B. KETUA MENTERI**

1. Antara kemudahan-kemudahan awam di bawah pengurusan Perbadanan Stadium Dan Kawasan Lapang Pulau Pinang adalah seperti berikut:
 - (i) Stadium Negeri Pulau Pinang, Batu Kawan;
 - (ii) Dewan Milenium, Kepala Batas;

- (iii) Kolam Renang Awam Seberang Jaya;
- (iv) Kompleks Sukan dan Rekreasi Sony, Seberang Jaya;
- (v) Dewan Serbaguna di Jalan Kaki Bukit (Dewan Bola Tampar, Kampung Buah Pala);
- (vi) Kompleks Sukan Balik Pulau;
- (vii) Stadium Jalan Betek, Seberang Perai Tengah; dan
- (viii) Stadium Mini Permatang Rawa, Seberang Perai Tengah.

Kos penyelenggaraan bagi setiap fasiliti adalah seperti di **LAMPIRAN A.**

- (a) Penyewa Stadium Negeri Pulau Pinang, Batu Kawan sejak 1 Februari 2022 adalah seperti berikut:
 - (i) Penang FC Sdn. Bhd.;

- (ii) Bukit Tambun FC;
- (iii) Prodragline Enterprise; dan
- (iv) Eden Eminent Entertainment.

Jumlah kutipan di Stadium Negeri Pulau Pinang sehingga bulan Mac 2022 adalah sebanyak **RM20,855.00**.

- (b) Perancangan temasya sukan yang bakal dianjurkan di Stadium Negeri Pulau Pinang, Batu Kawan adalah Piala atau Liga Bola Sepak bertaraf prestasi tinggi yang akan diadakan pada tahun 2023.

Selain itu, terdapat juga beberapa program yang masih di peringkat perbincangan dengan pengajur seperti "Petronas Cubprix". Pengumuman mengenainya akan dibuat setelah mendapat pengesahan tarikh pelaksanaan.

(c) Pihak Perbadanan Stadium dan Kawasan Lapang Pulau Pinang telahpun mengadakan beberapa perbincangan dengan Jabatan Kerja Raya (JKR) Pulau Pinang bagi melaksanakan proses pelantikan juruukur untuk menjalankan "*land survey*" bagi menetapkan sempadan tanah lot ini.

Setelah "*land survey*" dijalankan, baki tanah sekitar stadium akan digunakan bagi rancangan Sports City Batu Kawan. Komponen-komponen Sports City Batu Kawan termasuk gelanggang hoki, pusat akuatik, *outdoor park* dan *multipurpose hall*.

Request For Proposal (RFP) akan dibuka setelah "*land survey*" dijalankan untuk pembangunan projek Sports City Batu Kawan.

LAMPIRAN A

Perkara	Stadium Negeri Pulau Pinang (RM)	Kompleks Sukan dan Rekreasi Sony (RM)	Dewan Milenium Kepala Batas (RM)	Stadium Jalan Beteck (RM)	Kompleks Sukan Balik Pulau (RM)	Dewan Bola Tampar, Kampung Buah Pala (RM)	Taman Areca (RM)	Kolam Renang Awam Seberang Jaya (RM)	Stadium Mini Permatang Rawa (RM)
Pembersihan	12,648.00	14,625.00	15,722.00	-	6,280.00	-	-	-	-
Landskap	22,275.86	-	-	2,500.00	-	-	-	-	-
Sekuriti	11,018.00	5,509.00	8,263.00	-	8,263.00	-	-	-	-
Utiliti (PBA, TNB & IWK)	22,000.00	1,500.00	2,500.00	-	1,500.00	-	1,000.00	100.00	-
Pengawasan elektrikal	212.00	-	318.00	-	-	-	-	-	-
Penyelenggaran lif	612.00	-	-	-	-	-	-	-	-
Kawalan serangga	1,225.00	-	-	-	-	-	-	-	-

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)2

**SOALAN LISAN OLEH AHLI KAWASAN BATU LANCANG
YB. ONG AH TEONG**

2. Pulau Pinang telah menarik banyak pelabur luar negara di mana sehingga tahun lalu nilainya sebanyak RM76.2 bilion.
 - (a) Adakah infrastruktur sedia ada seperti jalan raya, bekalan tenaga dan air serta telekomunikasi mampu menampung keperluan tersebut pada masa hadapan?
 - (b) Sejauh manakah jaminan mereka terus kekal dan melabur di sini?

JAWAPAN OLEH Y.A.B. KETUA MENTERI

2. Pulau Pinang merupakan penerima pelaburan terbesar dalam sektor perkilangan untuk tahun 2021 dengan jumlah pelaburan sebanyak RM76.2 bilion yang merangkumi 111 projek. Berdasarkan laporan Malaysian Investment Development Authority (MIDA), prestasi cemerlang tersebut adalah disumbangkan daripada Pelaburan Langsung Asing (FDI) berjumlah RM74.4 bilion (98%) dan Pelaburan Langsung Domestik (DDI) berjumlah RM1.8 bilion (2%). Industri elektrikal dan elektronik (E&E) menyumbang sebanyak RM73.9 bilion (97%) daripada jumlah pelaburan Pulau Pinang, diikuti dengan bidang

produk logam asas berjumlah RM831 juta dan bidang jentera dan peralatan berjumlah RM780 juta. Prestasi cemerlang Pulau Pinang ini diharap dapat diteruskan pada tahun-tahun akan datang.

- (a) Salah satu faktor utama syarikat-syarikat sedia ada meneruskan pelaburan dan pelabur-pelabur baharu memilih Negeri Pulau Pinang sebagai destinasi pelaburan mereka adalah disebabkan oleh ketersediaan infrastruktur yang kian berkembang pesat di Pulau Pinang. Antara infrastruktur tersebut ialah seperti jalan raya, bekalan tenaga elektrik dan air, loji rawatan pembetungan serta telekomunikasi di kawasan perindustrian lama yang sentiasa dinaik taraf dan diselenggara dengan baik dari semasa ke semasa oleh agensi-agensi yang berkaitan seperti Pihak Berkuasa Tempatan (PBT), Jabatan Kerja Raya (JKR), Jabatan Pengairan dan Saliran (JPS), Tenaga Nasional Berhad (TNB), Penang Development Corporation (PDC) serta beberapa syarikat telco yang lain. Pada bulan Februari tahun 2022, Kerajaan Persekutuan melalui pihak MIDA telah mengagihkan peruntukan dana Program Menaik Taraf Infrastruktur Asas Kawasan Perindustrian Sedia Ada kepada PBT bagi menambah baik taraf infrastruktur daripada segi sistem perparitan dan saliran, menaik taraf sistem kawalan banjir, pembinaan

infrastruktur baharu seperti jalan masuk utama, jalan ke kawasan baharu dan perparitan yang telah diluluskan oleh agensi berkaitan. Justeru itu, berikut komitmen yang ditunjukkan oleh setiap jabatan/agensi pelaksana yang sentiasa komited dalam merealisasikan segala visi dan misi, Kerajaan Negeri amat yakin segala infrastruktur sedia ada masih boleh menampung keperluan syarikat-syarikat yang melabur di Negeri Pulau Pinang.

- (b) Kerajaan Negeri kini menumpu kepada pelaburan daripada sektor-sektor tertentu terutamanya sektor pembuatan dan sektor perkhidmatan yang merangkumi elektrik dan elektronik (E&E), semikonduktor, peralatan perubatan, aeroangkasa, ekonomi digital, perkhidmatan perniagaan global, perekaan *integrated circuit* (IC) dan projek-projek yang memberi nilai tambahan yang tinggi. Negeri Pulau Pinang dilengkapi dengan ekosistem yang sempurna, sumber manusia berteknikal mahir dan berpengetahuan, kos operasi yang berdaya saing, serta kemudahan menjalankan perniagaan daripada segi ketersediaan infrastruktur dan taman-taman perindustrian yang bertaraf antarabangsa. Kerajaan Negeri akan terus fokus dan memperkuatkkan aspek-aspek ini supaya pelabur yang telah

melabur di sini masih berdaya saing dan boleh terus kekal dan melabur di Pulau Pinang.

Untuk memastikan pelabur sedia ada dan pelabur baharu dapat dijaga, beberapa inisiatif telah dilaksanakan oleh Kerajaan Negeri, iaitu termasuklah penubuhan Majlis Penasihat Industri Pembuatan Pulau Pinang pada bulan April 2021. Terma rujukan bagi Majlis Penasihat Industri Pembuatan Pulau Pinang adalah untuk mempertingkatkan kemudahan dalam menjalankan perniagaan di Pulau Pinang, menjalinkan usahasama untuk mengenal pasti kekuatan dan keupayaan syarikat-syarikat, mempromosikan ekosistem perindustrian Pulau Pinang serta menjadi suara bersepadu yang mewakili pihak industri. Majlis ini disertai oleh Persatuan Syarikat Zon Perindustrian Bebas Pulau Pinang (FREPENCA), Persatuan Perusahaan Kecil dan Sederhana Malaysia (SAMENTA), Persekutuan Pengilang-Pengilang Malaysia (FMM) dan Persatuan Industri Perubatan Malaysia (AMMI).

Selain itu, *InvestPenang* kini menawarkan “*hand holding program*” untuk memberi sokongan dan fasilitasi untuk memudahkan para pelabur sedia ada mahupun pelabur baharu

untuk menubuhkan syarikat perniagaan, membina/menyewa bangunan kilang yang baharu dan memulakan operasi pengilangan. Ini adalah untuk memastikan kesenangan menjalankan perniagaan (*ease of doing business*) di Pulau Pinang. *InvestPenang* juga memainkan peranan yang penting untuk melancarkan proses para pelabur dalam projek pembinaan kilang baharu, sesi pengambilan pekerja dan mengenal pasti tapak sementara sebagai perkhidmatan selepas jualan tanah industri. Syarikat domestik atau antarabangsa yang mempunyai pengalaman di Pulau Pinang bukan sahaja akan mengembangkan operasi mereka di Pulau Pinang, malah menarik pelabur berpotensi lain untuk turut sama menapak di Pulau Pinang.

Untuk menggalakkan pelaburan domestik, Kerajaan Negeri menyediakan tanah industri khas untuk pelabur domestik yang dikelilingi oleh syarikat-syarikat antarabangsa supaya dapat meningkatkan peluang kepada pembekal tempatan untuk mengembangkan peluang perniagaan mereka secara tidak langsung. Selain itu, pihak kerajaan juga menganjur Hari Pembekal (*Supplier Day*) bersama syarikat antarabangsa untuk membentangkan cara-cara bagaimana kilang domestik boleh

membekal produk atau servis mereka kepada syarikat antarabangsa.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)3

**SOALAN LISAN OLEH AHLI KAWASAN KEBUN BUNGA
YB. ONG KHAN LEE**

3. Apakah tindakan dan langkah-langkah yang telah diambil oleh Kerajaan Negeri untuk mencapai Visi 2030?

JAWAPAN OLEH Y.A.B. KETUA MENTERI

3. Pada 21 Januari 2022, Kerajaan Negeri Pulau Pinang melancarkan Kad Laporan Pencapaian 3 Tahun yang pertamanya sebagai komitmen untuk mencapai Visi Penang2030. Dokumen tersebut telah menggariskan semua pencapaian Kerajaan Negeri di bawah visi Penang2030 sejak dilancarkan pada Ogos 2018.

Visi Penang2030, bersandarkan empat (4) teras utama iaitu:

1. Meningkatkan daya huni bagi menambah baik kualiti kehidupan;
2. Menaiktaraf ekonomi bagi meningkatkan pendapatan isi rumah;
3. Memperkasa rakyat bagi meningkatkan penyertaan awam; dan
4. Melabur dalam persekitaran terbina bagi menambah baik daya tahan.

Empat teras utama akan didokong oleh 16 Inisiatif Strategik dan sasaran strategik tumpuan, Kerajaan Negeri yakin merealisasikan Visi 2030 dengan memperkasa agenda ‘Ekonomi Perindustrian’ dan ‘Digital Ekonomi’ di negeri ini, serta mengambil langkah untuk meningkatkan daya huni dan menambah baik pembangunan alam sekitar untuk mengatasi perubahan iklim.

Hala tuju Kerajaan Negeri dalam mempercepatkan pencapaian Penang2030 berlandaskan tiga inisiatif utama merangkumi Inisiatif Setempat, Inisiatif Pembangunan Komuniti dan Inisiatif Libat Urus Industri. Melalui Inisiatif Setempat, Kerajaan Negeri akan membangunkan hab inovatif digital dengan mewujudkan suatu Daerah Kreatif yang akan menjadi pemangkin kepada digital ekonomi masa hadapan. Matlamat utama daerah kreatif adalah untuk mencipta ekosistem digital yang terdiri daripada syarikat pemula teknologi, usahawan, perkhidmatan digital dan syarikat perisian. Terdapat lapan syarikat yang telah menyatakan komitmen dan hasrat mereka untuk menujuhkan sebuah pusat di daerah kreatif, Pulau Pinang. Dalam tempoh tiga tahun akan datang, rancangan itu adalah untuk menarik 50 syarikat digital untuk melabur dan menujuhkan operasi mereka di

sini, untuk mewujudkan 2,000 pekerjaan berpendapatan tinggi dan berfungsi sebagai peneraju ekosistem digital.

Ekonomi negeri Pulau Pinang disokong oleh perindustrian telah diiktiraf sebagai semikonduktor dan hab E&E bagi rantau ini. Gabungan nilai pelaburan pembuatan di negeri ini pada 2019 dan 2020 ialah RM31 bilion, mewakili 18% daripada keseluruhan nilai pelaburan di Malaysia dan telah menyumbangkan volum dan lebihan perdagangan untuk 2020 bagi sektor Elektrikal dan Elektronik (E&E). Pada 2021, negeri Pulau Pinang terus mencapai pelaburan pembuatan tertinggi bagi Malaysia iaitu RM 76.2 billion. Pelaburan pembuatan di Pulau Pinang telah mencipta lebih 51,000 peluang pekerjaan dari tahun 2019 dan 2021.

Memandangkan semikonduktor global akan terus menjadi sektor yang sangat berdaya saing, Pulau Pinang juga perlu konsisten dalam sektor E&E dan perindustrian. Berorientasikan pertumbuhan, bagi terus menggalakkan pertumbuhan perindustrian bagi 20 tahun akan datang, Pulau Pinang akan mengembangkan pelaksanaan projek dan menyediakan tanah seperti Batu Kawan Industrial Park 2 (BKIP2) untuk terus berdaya saing di arena global.

Selain itu juga, Kerajaan Negeri juga mengambil langkah-langkah pendekatan untuk memperluaskan bakat di Pulau Pinang termasuk memacu pelaburan, menangani jurang penawaran dan permintaan dalam TVET (pendidikan dan latihan teknikal dan vokasional) bagi menarik pelaburan kualitatif dalam jangka masa terdekat dan jangka panjang.

Dalam beberapa tahun kebelakangan ini, E&E dan semikonduktor dilihat menjadi sektor kitaran bagi memacu perkembangan ekonomi negeri, walau bagaimanapun, untuk Pulau Pinang mencapai pertumbuhan sebagai *The Silicon Valley of East 2.0* kita perlu mengambil dan merebut peluang-peluang pelaburan dalam teknologi perubatan, sains hayat, industri automasi dan robotik. Sektor Perindustrian juga dijangka meningkat 10% untuk eksport tahunan dari 2022-2025 dan 5% bahagian pasaran global bagi semiconduktor. Selain daripada penumpuan terhadap pertumbuhan industri, saya melihat Pulau Pinang memerlukan sektor pertumbuhan baharu, dan perlu beralih kepada digital ekonomi dan teknologi maklumat dan komunikasi (ICT). Menurut Jabatan Perangkaan Malaysia, pada suku ke-3 tahun 2021, pendapatan e-dagang Malaysia melonjak kepada

RM279.0 bilion, ataupun peningkatan 17.1 peratus dari tahun ke tahun, pada suku ketiga (S3) 2021, Pulau Pinang sebagai hab perindustrian perlu memanfaatkan pertumbuhan e-dagang dan membina sektor ekonomi baharu dengan pelebaran digital (teknologi 5G) dan gudang automatik infrastruktur, logistik dan pusat data.

Untuk mencapai visi 2030 dengan sasaran-sasaran tumpuan, Kerajaan Negeri Pulau Pinang juga akan meningkatkan daya huni bagi menambah baik kualiti kehidupan dan mengenal pasti projek-projek perumahan dan kebajikan rakyat Pulau Pinang dengan membangunkan bakat anak-anak muda, warga emas yang berteras keluarga. Kerajaan Negeri juga akan menperkenalkan dasar libat urus (stakeholder engagements) dan mengalukan sifat kesukarelawan, bagi mempertingkatkan penyertaan awam di dalam rancangan masa depan Pulau Pinang, dan memberi tumpuan untuk pembaikan infrastruktur dan alam sekitar perubahan iklim.

Dengan langkah-langkah dan sasaran-sasaran untuk visi Penang2030, Kerajaan Negeri berkomited bahawa Pulau Pinang akan menarik lebih banyak pelancong, pelaburan dan sebuah negeri yang

berciri teras mampan, dan pintar selaras dengan visi Negeri Pintar dan Hijau Berteraskan Keluarga Inspirasi Negara.

Untuk memantau prestasi Penang2030, Kerajaan Negeri akan memperkenalkan sistem papan pemuka Penang 2030 yang merupakan sistem pemantauan pelaksanaan projek-projek di bawah visi Penang2030.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)4

**SOALAN LISAN OLEH AHLI KAWASAN MACHANG BUBUK
YB. LEE KHAI LOON**

4. Bencana kebakaran di Tapak Pelupusan Sampah Pulau Burung.
 - (a) Terangkan secara terperinci tentang punca dan usaha yang diambil oleh Kerajaan Negeri untuk menangani krisis.
 - (b) Senaraikan implikasi kewangan yang perlu ditanggung oleh Kerajaan Negeri dalam penempatan semula penduduk serta usaha mitigasi bencana.
 - (c) Apakah pengajaran yang diperolehi oleh Kerajaan Negeri?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

4. (a) Tapak Pelupusan Sampah Pulau Burung (TPSPB) mula terbakar pada 12 Januari 2022 (Rabu) dan usaha pemadaman kebakaran yang melibatkan pelbagai agensi berakhir pada 31 Januari 2022 (Isnin). Kawasan yang terbakar mencecah sekitar 16 ekar di Fasa 1, Tapak Pelupusan Sampah Pulau Burung.

Berdasarkan siasatan yang telah dijalankan oleh pihak Bomba, kebakaran berpunca daripada faktor cuaca semasa musim panas yang meningkatkan risiko kebakaran di tapak pelupusan. Walaupun bagaimanapun, terdapat beberapa faktor lain yang menyebabkan kebakaran sukar dikawal seperti berikut:

- i. Kawasan terbakar merupakan bekas kolam berkedalaman sekurang-kurangnya 15-meter dan tidak mempunyai lapisan tanah sebagai *firebreaker* di dalam;
- ii. Pembukaan kawasan pembuangan yang terlampaui besar dan bersambungan mengakibatkan api merebak dengan pantas dan mudah;
- iii. Tiada akses bagi tujuan pemantauan dan tindakan mitigasi akibat daripada pembuangan sampah di lereng-lereng yang telah ditutup sebelum ini; dan
- iv. Operator tapak pelupusan gagal mematuhi *Standard Operating Procedure* (SOP) pengendalian tapak pelupusan sampah.

Kerajaan Negeri bersama-sama kedua-dua Pihak Berkuasa Tempatan (PBT) telah mengambil tindakan sewajarnya ke atas

operator tapak pelupusan dan juga mengambil langkah berjaga-jaga bagi memastikan kejadian seperti ini tidak berulang lagi.

Bagi menangani krisis yang berlaku ini, Jawatankuasa Pengurusan Bencana Daerah Seberang Perai Selatan telah digerakkan bagi menyelaras tugas sepantjang operasi pemadaman kebakaran berlangsung seperti perincian seperti di Lampiran yang akan diletakkan di atas meja Yang Berhormat selepas sesi Soalan Lisan.

(b) Implikasi kewangan yang perlu ditanggung oleh Kerajaan adalah seperti perincian di bawah:

Perkara	Implikasi Kewangan (RM)
Bekalan Lori Tangki (MBSP)	317,500.00
Bekalan Tanah Merah (MBSP)	379,329.30
Bantuan Jentera (MBPP)	27,400.00
Tenaga Pekerja (MBPP)	49,000.00
Pampasan Kepada Keluarga Terlibat	115,000.00
Jumlah	888,229.30

Kerajaan Negeri menanggung kos pampasan sebanyak RM115,000.00 kepada 115 keluarga yang terjejas. Bagi implikasi kewangan kepada pihak MBPP sebanyak RM76,400.00 pula ditanggung sepenuhnya oleh MBPP manakala, kos pemadaman

kebakaran oleh pihak MBSP sebanyak RM750,829.30 telah dituntut sepenuhnya daripada operator tapak pelupusan.

Selain itu, kegagalan pihak kontraktor menyelenggara Tapak Pelupusan Sampah Pulau Burung dengan baik telah mengakibatkan MBPP dan MBSP mengalami kerugian seperti perincian yang berikut:

Perkara	Kos
Kehilangan gas akibat kebakaran	RM20,300,000.00
Kerosakan lori-lori MBPP dan MBSP disebabkan keadaan jalan yang tidak diselenggara	RM3,700,000.00
Kos remedy bagi memperbaiki keadaan di tapak pelupusan	RM25,500,000.00
Kos Pembinaan TNB sub-station	RM10,000,000.00
Jumlah	RM59,500,000.00

Kerajaan Negeri melalui MBSP telah mengambil tindakan sewajarnya ke atas operator tapak pelupusan dan langkah-langkah mitigasi bagi memastikan kejadian seperti ini tidak berulang lagi adalah seperti yang berikut:

- i. Pihak operator telah diarahkan untuk menjalankan kerja-kerja penutupan dengan kadar segera menggunakan tanah merah setiap hari Mengikut spesifikasi yang telah ditetapkan (Memastikan setiap lapisan sisa pepejal tidak melebihi 5 meter dan ditutupi dengan tanah merah secara

- padat dengan ketinggian sekurang-kurangnya 15cm sebelum membuka lapisan baharu);
- ii. Pihak operator diarah membuat penutupan dengan kadar segera di kawasan-kawasan pembuangan yang terdedah; dan;
 - iii. Pihak operator diarahkan untuk menyediakan pili bomba (*fire hydrant*) dan dua (2) unit tangki mudahalih berserta *high pressure jetter* berkapasiti sekurang-kurangnya 3,000 liter dalam kawasan tapak pelupusan.
- v. Pihak operator diarahkan untuk menyediakan *stockpile* tanah merah yang mencukupi penggunaan sekurang-kurangnya tiga (3) hari operasi bagi penutupan harian yang perlu dijalankan setiap hari.
- vi. Pihak operator perlu merancang tempat pengoperasian pembuangan dengan baik supaya kawasan pembuangan tidak dibuka terlampau besar dan bersambungan serta membuat *firebreaker* antara sub-sel bagi tujuan kawalan.
- vii. Jika pihak operator didapati gagal mematuhi mana-mana syarat atau prosedur yang telah dimuktamadkan mengikut

Perjanjian Konsesi, penalti sebanyak RM2,500.00 akan dikenakan bagi setiap kesalahan.

- (c) Pengajaran yang boleh diambil adalah seperti yang berikut:
- i. Kerajaan Negeri melalui kedua-dua PBT perlu mewujudkan sebuah Fasiliti Pengurusan Sisa Pepejal Bersepadu (*Integrated Waste Management Facility*) di TPSPB termasuk pelaksanaan teknologi *Waste to Energy* (WtE) atau teknologi terkini yang terbukti berkesan bagi merawat sisa pepejal di negeri ini.
 - ii. Pelantikan syarikat konsesi yang mempunyai kepakaran dalam pengurusan sisa pepejal. Perkara ini dibuktikan melalui pengalaman syarikat tersebut dalam mengendalikan tapak pelupusan dan teknologi berkaitan pengurusan sisa pepejal.

LAMPIRAN A**TUGASAN AGENSI / JABATAN SEMASA KEJADIAN KEBAKARAN DI TAPAK PELUPUSAN SAMPAH PULAU BURUNG (TPSPB)**

Agensi / Jabatan	Tugasan
Pejabat Daerah dan Tanah Seberang Perai Utara	Menyelaras tugas agensi / jabatan semasa tempoh deklarasi bencana.
Majlis Bandaraya Seberang Perai (MBSP)	Menyelaras operasi pemadaman kebakaran di Tapak Pelupusan Sampah Pulau Burung (TPSPB). Menyediakan tenaga kerja dan jentera untuk kegunaan pihak Bomba dan PLB Terang Sdn. Bhd. Sepanjang operasi pemadaman kebakaran, pihak MBSP juga telah menghantar tanah merah untuk proses pemadaman dan penutupan tapak pelupusan.
Majlis Bandaraya Pulau Pinang (MBPP)	Menyediakan water tanker yang memudahkan usaha pihak Bomba dalam operasi pemadaman kebakaran
Jabatan Bomba dan Penyelamat Malaysia (JBPM)	Bertungkus lumus memadamkan kebakaran selama 20 hari. Pasukan Bomba yang terlibat dalam pemadaman api ini bukan sahaja dari balai-balai Bomba di Pulau Pinang malah dari Balai Bomba Ipoh, Seremban dan Unit Udara Bomba Subang
Polis Diraja Malaysia (PDRM)	Memastikan agar keadaan kekal aman damai dan melakukan rondaan di kawasan perumahan yang terjejas di mana penduduk terpaksa dipindahkan ke Pusat Pemindahan Sementara (PPS).
Angkatan Pertahanan Awam Malaysia (APAM)	Bersama-sama Bomba dan MBSP dalam usaha pemadaman kebakaran.
Jabatan Alam Sekitar Negeri Pulau Pinang (JAS)	Melakukan pemantauan kualiti udara dan menasihati Jawatankuasa Pemantauan Kebakaran tentang keadaan terkini kawasan perumahan yang terjejas.

Agensi / Jabatan	Tugasan
Pejabat Kesihatan Daerah (PKD)	Menyediakan rawatan, jika perlu, kepada penduduk yang terjejas dan juga frontliners yang bertugas dalam operasi pemadaman kebakaran di Tapak Pelupusan Sampah Pulau Burung.
Pejabat Pendidikan Daerah (PPD)	Memastikan murid-murid dari sekolah yang ditutup akibat bencana ini disediakan tempat sementara untuk meneruskan sesi pembelajaran.
Jabatan Penerangan Malaysia (JAPEN)	Menyediakan kemudahan untuk para petugas media dan juga tempat yang selamat untuk diadakan sidang media.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)5

**SOALAN LISAN OLEH AHLI KAWASAN PULAU TIKUS
YB. LEE CHUN KIT**

5. Apakah status projek Mount Erskine "under.pass" memandangkan situasi lalu lintas semakin sesak?
 - (a) Apakah jangka masa projek ini kalau masih akan dilaksanakan?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

5. Setakat ini proses pengambilan 20 lot tanah oleh Pejabat Daerah dan Tanah, Daerah Timur Laut bagi pelaksanaan projek Cadangan Pembinaan Jalan Bawah (*under.pass*) dari Jalan Mount Erskine ke Jalan Burma yang menggunakan peruntukan Majlis Bandaraya Pulau Pinang (MBPP) sebanyak RM25 juta telah selesai pada bulan Mac 2020. Selain itu, reka bentuk terperinci bagi projek tersebut juga telah disediakan oleh perunding lantikan MBPP.

Bagi melaksanakan projek tersebut, MBPP telah membuat permohonan peruntukan kepada Kerajaan Persekutuan pada tahun

2020 di bawah Rancangan Malaysia Ke-12 (RMK-12) namun tidak diluluskan.

Untuk itu, pihak MBPP telah mengemukakan semula permohonan peruntukan sebanyak RM25 juta bagi pembangunan projek di bawah Rolling Plan Ketiga (RP3) Tahun 2023, RMK-12 melalui Bahagian Perancang Ekonomi Negeri (BPEN), Pejabat Setiausaha Kerajaan Negeri Pulau Pinang pada bulan Februari 2022.

- (a) Sekiranya permohonan peruntukan tersebut diluluskan oleh Kerajaan Persekutuan, projek ini akan mula dilaksanakan pada tahun 2023 memandangkan proses pengambilan tanah telah selesai dan reka bentuk jalan tersebut juga telah disediakan. Dijangkakan projek Jalan Bawah (*underpass*) dari Jalan Mount Erskine ke Jalan Burma ini akan mengambil masa selama tiga (3) tahun untuk dilaksanakan.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)6

**SOALAN LISAN OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

6. Mohon Kerajaan Negeri Pulau Pinang nyatakan jumlah pekerja yang telah dibuang kerja (*retrenchment*) akibat COVID-19 di Pulau Pinang?

**YB. PROF. DR. P. RAMASAMY A/L PALANISAMY
MENJAWAB BAGI PIHAK Y.A.B KETUA MENTERI**

6. Mengikut data Jabatan Tenaga Kerja (JTK) Negeri Pulau Pinang, sebanyak 7,070 orang pekerja tempatan telah diberhentikan (*retrenchment*) di Pulau Pinang sejak Mac 2020 sehingga April 2022 mengikut perincian seperti berikut:

Tahun	Bilangan pekerja yang diberhentikan (<i>retrenchment</i>)
Mac 2020 sehingga Disember 2020	5,481
2021	1,364
Januari 2022 sehingga April 2022	225
Jumlah	7,070

Data ini diperoleh daripada Borang Pemberitahuan Pekerja (PK) yang dikemukakan oleh pihak majikan yang menjalankan operasi perniagaan di Negeri Pulau Pinang. Jumlah ini adalah jumlah umum dan tidak memfokuskan pemberhentian akibat COVID-19 semata-mata.

Manakala, portal *MyfutureJobs* yang diselaraskan oleh Pertubuhan Keselamatan Sosial (PERKESO) melaporkan seramai 14,446 pekerja telah kehilangan pekerjaan dari tahun 2020 sehingga 6 Mei 2022 seperti perincian berikut:

Tahun	Bilangan Pekerja Kehilangan Pekerjaan
2020	10,465
2021	3,519
Januari hingga 6 Mei 2022	462
Jumlah	14,446

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)7

**SOALAN LISAN OLEH AHLI KAWASAN AIR ITAM
YB. JOSEPH NG SOON SIANG**

7. Tidak dapat dinafikan kenderaan elektrik (EV) bakal menggantikan kenderaan mod tradisional. Negara jiran seperti Singapura, Indonesia dan Thailand telah melancarkan inisiatif meningkatkan *uptake* EV di negara masing-masing.
 - (a) Meskipun majoriti inisiatif ini di bawah bidang kuasa Kerajaan Persekutuan, apakah langkah yang akan atau telah diambil oleh Kerajaan Negeri dalam memupuk peningkatan EV selaras dengan gagasan Penang2030?

**YB. DATO' HAJI ABDUL HALIM BIN HAJI HUSSAIN
MENJAWAB BAGI PIHAK Y.A.B. KETUA MENTERI**

7. Untuk membantu meningkatkan kadar *uptake* penggunaan kenderaan elektrik (Electric Vehicle - EV) di Pulau Pinang, Kerajaan Negeri bukan sahaja akan menumpukan kepada kenderaan 4 roda, kenderaan 2 roda juga akan diberikan perhatian. Antara langkah yang akan atau telah diambil oleh Kerajaan Negeri dalam memupuk peningkatan EV selaras dengan gagasan Penang2030 adalah:
 - (a) Menyediakan infrastruktur tempat pengecasan kenderaan elektrik di lokasi-lokasi yang strategic;

- (b) Menyediakan infrastruktur tempat pengecasan motosikal elektrik secara percuma di Pulau Pinang;
- (c) Mengadakan program usaha-sama dengan organisasi swasta untuk penerapan penggunaan kenderaan elektrik;
- (d) Menggalakkan pemasangan infrastruktur tempat pengecasan kenderaan elektrik bagi projek pembangunan baru; dan
- (e) Penggunaan motosikal elektrik oleh Pihak Berkuasa Tempatan (PBT) untuk menjalankan penguatkuasaan di sekitar kawasan Pulau Pinang.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)8

**SOALAN LISAN OLEH AHLI KAWASAN BAGAN DALAM
YB. SATEES A/L MUNIANDY**

8. Nyatakan jumlah cukai pendapatan yang telah dibayar oleh Jabatan Kerajaan Negeri, Badan-Badan Berkanun dan agensi-agensi Kerajaan Negeri dari tahun 2018 hingga 2021.
 - (a) Adakah munasabah Cukai Pendapatan dikutip daripada Jabatan / Badan / Agensi Kerajaan Negeri yang tidak berdasarkan keuntungan, tetapi hanya memberi perkhidmatan kepada rakyat Negeri Pulau Pinang?

JAWAPAN OLEH Y.A.B. KETUA MENTERI

8. Berdasarkan rekod Jabatan Kewangan Negeri, tiada bayaran cukai pendapatan yang telah dibayar oleh mana-mana Jabatan Kerajaan Negeri dari tahun 2018 hingga 2021. Manakala bagi Badan/Agensi Kerajaan Negeri adalah seperti di **Lampiran A** yang akan diletakkan diatas meja Yang Berhormat selepas sesi soalan lisan

Jabatan/Badan/Agensi yang tidak berdasarkan keuntungan yang hanya memberi perkhidmatan kepada rakyat adalah tidak munasabah untuk dikenakan cukai pendapatan.

JUMLAH CUKAI PENDAPATAN YANG DIBAYAR OLEH JABATAN / BADAN / AGENSI KERAJAAN NEGERI

BIL	NAMA AGENSI	2018	2019	2020	2021	JUMLAH
		RM (JUTA)				
1	MAJLIS BANDARAYA PULAU PINANG	-	-	-	-	-
2	MAJLIS BANDARAYA SEBERANG PERAI	-	-	-	-	-
3	PENANG DEVELOPMENT CORPORATION	22.00	34.00	29.00	49.00	134.00
4	MUZIUM NEGERI PULAU PINANG	0.003	0.007	0.008	0.009	0.027
5	PERBADANAN PERPUSTAKAAN AWAM PULAU PINANG	0.082	0.089	0.054	0.047	0.27
6	PERBADANAN BUKIT BENDERA PULAU PINANG	1.75	1.38	-	0.04	3.17
7	MAJLIS AGAMA ISLAM NEGERI PULAU PINANG	-	-	-	-	-
8	MAJLIS SUKAN NEGERI	-	-	-	-	-

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)9

**SOALAN LISAN OLEH AHLI KAWASAN JAWI
YB. H'NG MOOI LYE**

9. Berapakah jumlah projek dan kos projek RMK-12 yang diluluskan dan bilakah ianya akan dilaksanakan?
- (a) Nyatakan jumlah projek infra dan bangunan yang dilaksanakan di kawasan DUN Jawi bagi tahun 2022?

JAWAPAN OLEH Y.A.B. KETUA MENTERI

9. Jumlah projek yang telah diluluskan sehingga 24 April 2022 untuk Negeri Pulau Pinang di dalam Rancangan Malaysia Kedua Belas (RMKe-12) ialah sebanyak 191 projek dengan anggaran kos RM9.272 bilion. Daripada 191 projek tersebut, sebanyak 65 projek sedang dalam pelaksanaan, 93 projek di peringkat pra-pelaksanaan dan 33 projek telah disiapkan.
- (a) Sejumlah satu (1) projek infra dan empat (4) projek bangunan di dalam RMKe-12 dirancang dilaksanakan di kawasan DUN Jawi bagi tahun 2022.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)32

**SOALAN LISAN OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

32. Mohon Kerajaan Negeri Pulau Pinang nyatakan sejauh manakah program yang dirancang di bawah Penang2030 telah mencapai objektifnya?

JAWAPAN OLEH Y.A.B. KETUA MENTERI

32. Visi Penang2030, bersandarkan empat (4) teras utama iaitu:
1. Meningkatkan daya huni bagi menambah baik kualiti kehidupan;
 2. Menaik taraf ekonomi bagi meningkatkan pendapatan isi rumah;
 3. Memperkasa rakyat bagi meningkatkan penyertaan awam; dan
 4. Melabur dalam persekitaran terbina bagi menambah baik daya tahan

Empat teras utama akan didokong oleh 16 Inisiatif Strategik dan sasaran strategik tumpuan, Kerajaan Negeri yakin merealisasikan Visi 2030 dengan memperkasa agenda ‘Ekonomi Perindustrian’ dan ‘Digital Ekonomi’ di negeri ini, serta mengambil langkah untuk meningkatkan daya huni dan menambah baik pembangunan alam sekitar untuk mengatasi perubahan iklim.

Hala tuju Kerajaan Negeri dalam mempercepatkan pencapaian Penang2030 berlandaskan tiga inisiatif utama merangkumi Inisiatif Setempat, Inisiatif Pembangunan Komuniti dan Inisiatif Libat Urus Industri. Melalui Inisiatif Setempat, Kerajaan Negeri telah membangunkan hab inovatif digital dengan mewujudkan suatu Daerah Kreatif yang akan menjadi pemangkin kepada digital ekonomi masa hadapan.

Ekonomi negeri Pulau Pinang disokong oleh perindustrian telah diiktiraf sebagai semikonduktor dan hab Elektrikal dan Elektronik (E&E) bagi rantau ini. Gabungan nilai pelaburan pembuatan di negeri ini pada 2019 dan 2020 ialah RM31 bilion, mewakili 18% daripada keseluruhan nilai pelaburan di Malaysia dan telah menyumbangkan

volum dan lebahan perdagangan untuk 2020 bagi sektor E&E. Pada 2021 negeri Pulau Pinang terus mencapai pelaburan pembuatan tertinggi bagi Malaysia iaitu RM 76.2 billion. Pelaburan pembuatan di Pulau Pinang telah mencipta lebih 51,000 peluang pekerjaan dari tahun 2019 dan 2021.

Memandangkan semikonduktor global akan terus menjadi sektor yang sangat berdaya saing, Pulau Pinang juga perlu konsisten dalam sektor E&E dan perindustrian. Berorientasikan pertumbuhan, bagi terus menggalakkan pertumbuhan perindustrian bagi 20 tahun akan datang, Pulau Pinang akan mengembangkan pelaksanaan projek dan menyediakan tanah seperti Batu Kawan Industrial Park 2 (BKIP2) untuk terus berdaya saing di arena global.

Selain itu juga, Kerajaan Negeri juga mengambil langkah-langkah pendekatan untuk memperluaskan bakat di Pulau Pinang termasuk memacu pelaburan, menangani jurang penawaran dan permintaan dalam TVET (pendidikan dan latihan teknikal dan vokasional) bagi menarik pelaburan kualitatif dalam jangka masa terdekat dan jangka panjang.

Untuk mencapai visi 2030 dengan sasaran -sasaran tumpuan, Kerajaan Negeri Pulau Pinang juga akan meningkatkan daya huni bagi menambah baik kualiti kehidupan dan mengenal pasti projek-projek perumahan dan kebajikan rakyat Pulau Pinang dengan membangunkan bakat anak-anak muda, warga emas yang berteras keluarga. Kerajaan Negeri juga akan menperkenalkan dasar libat urus (stakeholder engagements) dan mengalukan sifat kesukarelawan, bagi mempertingkatkan penyertaan awam di dalam rancangan masa depan Pulau Pinang, dan memberi tumpuan untuk pembaikan infrastruktur dan alam sekitar perubahan iklim.

Antara program-program dan dasar-dasar termasuk:-

Keluarga Selamat - Kerajaan Negeri memainkan peranan penting untuk menangani isu berkaitan keganasan rumah tangga dan berharap ia dapat memberi kesedaran dalam membantu menghapuskan keganasan di rumah. Dasar Keluarga Selamat 2020 Kerajaan Negeri Pulau Pinang berkongsi penekanan dan matlamat kehidupan berkeluarga yang sama dengan rakyatnya seperti yang dinyatakan dalam Visi Penang2030 melalui Penang Women's Development Corporation- 10 KADUN dan 4 sesi libat urus dan 1200 peserta.

Bagi membangunkan bakat anak-anak muda, Pusat Belia di semua 40 KADUN ditubuhkan untuk pembangunan belia setempat dan sebanyak 4,000 sukarelawan dan 24 program sukarelawan, bersama 200 ketua komuniti belia dengan 80% penyertaan . Selain itu (PYDC) akan terus memperkasakan platform 'We Want You' terutama di kawasan-kawasan luar bandar untuk membantu majikan mencari bakat, begitu juga golongan belia untuk mencari peluang pekerjaan yang sepadan.

Daerah Digital Kreatif (CD²) @George Town Inisiatif untuk mengembalikan teras bandar bersejarah George Town dengan membawa kehidupan dan pekerjaan kembali ke bandar warisan, seni & budaya, alam semula jadi, perniagaan dan teknologi untuk membina daerah inovasi baharu yang tertumpu pada industri digital dan kreatif yang akan melengkapkan hab perindustrian dan ekonomi sedia ada di negeri ini dan telah mendapat 8 syarikat yang akan bermula operasi di Daerah Digital Kreatif.

Dengan langkah-langkah dan sasaran-sasaran untuk visi Penang2030, Kerajaan Negeri berkomited bahawa Pulau Pinang

akan menarik lebih banyak pelancong, pelaburan dan sebuah negeri yang berciri teras mampan, dan pintar selaras dengan visi Negeri Pintar dan Hijau Berteraskan Keluarga Inspirasi Negara.

Untuk memantau prestasi Penang2030, Kerajaan Negeri akan mempamerkan sistem papan pemuka Penang2030 yang merupakan sistem pemantauan pelaksanaan projek-projek di bawah visi Penang2030. Selain itu, kad Laporan Pencapaian 3 tahun Visi Penang2030 juga telah dilancarkan pada 21 Januari 2022 dan boleh dirujuk.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)57

**SOALAN LISAN OLEH AHLI KAWASAN JAWI
YB. H'NG MOOI LYE**

57. Sejak insiden kebakaran berlaku di Tapak Pelupusan Sampah Pulau Burung, didapati bahawa Kerajaan Negeri menghadapi kekurangan satu unit tindakan khas bencana.
- (a) Adakah Kerajaan Negeri bersetuju menyediakan satu pasukan Unit Bencana supaya kita dapat berdepan dengan semua insiden bencana berlaku contohnya kebakaran, banjir dan lain-lain lagi?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

57. Mesyuarat Majlis Mesyuarat Kerajaan Negeri (MMKN) Bil.3 Tahun 2022 telah meluluskan penubuhan Unit Pengurusan Bencana (UPB) pada 16 Februari 2022. Tugas-tugas UPB adalah seperti berikut:
- (a) Memastikan pengalaman dan pemahaman serta pelaksanaan (MKN 20 & SOP) mekanisme Pengurusan Bencana Negeri dan Daerah berjalan lancar;
- (b) Mengkoordinasi antara badan-badan kerajaan dan badan-badan bukan kerajaan;

- (c) Menganalisis data dan kajian risiko bencana;
- (d) Membuat perancangan berdasarkan kajian yang dibuat sebelum ini;
- (e) Memberi sistem amaran awal terhadap bencana yang bakal berlaku;
- (f) Memberi kesedaran kepada komuniti terhadap risiko bencana dan kesiapsiagaan menghadapi bencana;
- (g) Menyelaras semua bantuan dan peruntukan luar yang diterima berkaitan dengan pengurusan bencana dan risiko;
- (h) Menguruskan Sistem *Penang Alert* dan lain-lain sistem berkaitan dengan pengurusan bencana;
- (i) Menguruskan Akaun Amanah Pengurusan Krisis Negeri dan Bantuan TYT;
- (j) Memantau dan menyelaras peruntukan Agensi Pengurusan Bencana Negara (NADMA) dan Jabatan/Agensi lain yang berkaitan dengan bencana; dan
- (k) Bertanggungjawab untuk menjaringkan kolaborasi dengan pihak luar dan memantau perhubungan unit serta menyelaras kerjasama dan membina perhubungan dengan badan bukan kerajaan, hubungan dengan kolaborasi antarabangsa.